

Victoria ah a ummi dawrnak-haltu le ralzam mi caah **raikhamsii chunhchapnak** kong

Raikhamsii chunhchap cu zeidah a si?

I chonhkhawhmi zawtnak thalo le khensar zawtnak a cheu khamnak caah, raikhamsii (sii chunhnap pawl) cu ngakchia upa thlulo chunh ding in forhfiat a si.

Ralzam le dawrnak-haltu nih Australia an phak in raikhamsii cu chunhchap an herh. Cuti a herhnak a ruang cu, Australia in ramleng ah ichunhmi raikhamsii hi an i dang cio. 'Chunhchapmi' raikhamsii i chunh ti cu, Australia ram ah raikhamsii i chunh dingah forhfiatmi kha, i chunhchap ti kha a sullam a si ko. Raikhamsii cu ngakchiat lio ah chunh cio a rak si ko nain, mino an si ah, upa an si ah, an i chunh lomi a um sual ahcun, raikhamsii i chunhchap ding cu a biapi mi a si. Chunhchap a herhmi raikhamsii pawl naa chunh dih cang a si ahcun, chunh nolh na herh ti lai lo.

Na siibawi asilole, mizaw zohkhenhtu sii-saya/ma nih tlangrai khamnak sii tibantuk kha chunhchap ding in an forhfiat khawh men. Tlangrai khamnak sii cu chunhchap ding raikhamsii ah a tel lo.

A man pek ka hau lai maw?

Ralzam le dawrnak-haltu caah raikhamsii chunhchapnak cu alak a si.



Raikhamsii chunh hi a him maw?

Australia ahcun raikhamsii chunh hi minung caah a him ko tiah hlathlainak nih a langhter. Raikhamsii chunh hnu ah taklinh, takfah ti bantuk hi cu a cang tawn. Zeihmanh nunharnak a pe lo, ni 1-2 karlak tiang lawng a fahnak cu a nguh. Raikhamsii chunh ruangah zualhma tuk in nunharnak a chuak ti hi a um tuk lo. Chunh ciami raikhamsii hmanh, chunh than zongah zeihmanh ttihtphan ding a um lo; a him ko.

Khoika-hmun ahdah raikhamsii cu chunhchap khawh a si?

- Na chungkhar siibawi (ngakchia in upa tiang)
- Na umnak sang khawngsil (kum 18 tang minung paoh)
- Holh cawnnak sianginn (raikhamsii chunhnap prokarem a ngeih ahcun)
- The Asylum Seeker Resource Centre (Dawrnak-haltu bawmtu zung) (upa caah).

Appointment ah holhlettu lakpiak khawh ka si lai maw?



A si! Holh lei na chambau a si ahcun, holhlettu ka lakpiak u tiah halkhawh (a biapi mi) a si.

Raikhamsii chunhchapnak ngeih tik ah zeidah a cang lai?

Raikhamsii chunhchapnak cu voi 3 in 4 tiang appointment lak in thla 4 chungah i chunh a si. Raikhamsii hi a tam deuh cu sichunhnap (tthim) in chunh a si. Voikhat i chunhnap nih zawtnak phunphun a kham khawh. Caan hamnak kip ah raizawt khamnak sii zeimawzat an in chunh/pek men lai. Chunh-cangmi raikhamsii cu Australian Immunisation Register (Australia Raikhamsii Chunhnap Cazin) ah khumh a si. Raikhamsii chunhchapnak appointment kal tikah,

Victoria ah a ummi dawrnak-haltu le ralzam mi caah raikhamsii chunhchapnak kong

siibawi asilole mizaw zohkhenhtu (sii-saya/ma) pawl nih bia an halmi cu: raikhamsii chunh ruangah a zaw el maw, a hlan ah raikhamsii chunh balmi a si le si lo, zeitik kum ahdah raikhamsii rak chunh a si ti le, raikhamsii chunh ruangah harnak tuarmi le in mi hna a um le, um lo timi pawl hi an si. Raikhamsii chunh hnu ah, taklinh le taksa fahnak tibantuk hi cu a si tawnmi a si ko, zehmanh phan ding a si lo; ni 1-2 karlak chung lawng a si lai. Raikhamsii chunh ruangah a zualhmami zawtfahnak a chuahpi ti hi cu a um tuk lem lo.



Appointment kal tikah zeidah ken ka herh lai?

Appointment kal fatinte, nangmah pumpak siseh, na fale siseh raikhamsii nan rak i chunh bal mi aa tialnak ca (catlap) kha i ken peng ding a si lai. Nan holh in aa tialmi a si zongah i ken ding a si. Siibawi asilole mizaw zohkhenhtu sii saya/ma nih, na catlap-kenmi zoh in zeibantuk raikhamsii dah chunh na herh, Australia si lo in - ramdang ah zeibantuk raikhamsii dah naa rak chunh bal cang, ti kha Australian Immunisation Register ah an khumh lai. Raikhamsii chunh na duh tikah, hmundang kadang zongah i chunh a ngah ko. Na kalnak hmunhma tu ah, raikhamsii naa chunh cangmi tialnak catlap tu kha naa ken chih zungzal lai.



Ramdang raikhamsii chunhnaak ttialmi ca

Chunhchapnak raikhamsii kaa chunh lo ahcun, zeidah a cang lai?

Raikhamsii chunhnaak nih zawtnak le a dang-dang zawtfahnak a kham. Cucaah, raikhamsii chunhchap lo mi minung cu zawtnak nih a tlunh khawh hna.



Australia ah siichunhnaak le Centrelink nih innchungkhar bawmhnak pekmi tangka kong ah upadi thar pawl a ngeihmi an um. Ngakchia pawl le kum 20 tang mino pawl nih Australasian

Immunisation Register ah an minkhumhmi a um lo ahcun, an chungkhar pawl nih ngakchia zohkhenhnaak ca pekmi tangka an ngah lai lo i Family Tax Benefit Part A pekmi tangka pawl cu zuh a si lai. Ttha te'n siichunhnaak nih hi pekmi tangka pawl cu innchungkhar a ngahter lai. An fale siichunhnaak le chunhlonak ah nulepa nih biakhiahnaak an tuah kho ko, asinain siichunh lo ding an i thim ahcun, ngakchia zohkhenhnaak ca pekmi tangka pawl le an Family Tax Benefit Part A pekmi tangka pawl cu zuh an si lai.

Victoria zongah upadi pawl an um ve i hi tihin a chim, mucu asilole ngakchia zohkhenhnaak (caan sau chun i zohkhenhnaak, caan zeimawzat zohkhenhnaak le innchungkhar chun i zohkhenhnaak) ah kai dingin ngakchia pawl cu siichunhnaak pawl an ngei hrimhrim lai ti a si. Hi upadi nih sianginn asilole sianginn kai lo caan zohkhenhnaak pawl cu a hnorsuang lo. An fa mucu asilole ngakchia zohkhenhnaak i minkhumhnaak tuah tikah Australian Immunisation Register in Zawtnak i khamnak Rak tuahnaak Cattialmi pakhat kha nulepa nih an hmuhsak hna a herh. Zawtnak i khamnak Rak tuahnaak Cattialmi nangmah sin i kuat dingah Australian Immunisation Register cu 1800 653 809 ah na chawnh khawh hna asilole Australian Immunisation Register pakhat cu nangmah caah chuah (print) piak dingah na siibawi asilole sii saya/ma na fial khawh hna.

